

Ayacucho - Agape Qellqapa - God's Love Letter Scriptures

Juan 15:9 Imaynam Taytaypas ñoqata kuyawan chaynam ñoqapas qamkunata kuyaykichik, kuyakuuniyapiyá takyaychik.

Isaías 43:1 Jacobpa miraynin Israel llaqta, unanchaqni Tayta Diosmi kaynata nisunki: Ama manchakuychu, ñoqam libramurqayki sutikimantam qayamurqayki, qamqa ñoqapam kanki.

Jeremías 1:5 Mamaykipa wiksani manaraqpas unanchachkaspaymi reqsirqaykiña, manaraqpas nacechkaptikim qamtaqa sapaqcharqaykiña; nacionkunapa profetan kanaykipaqmi akllarqaykiña.

Juan 15:16 Manam qamkunachu ñoqataqa akllawarqankichik, ñoqam qamkunataqa akllarqaykichik, hinaspm achkata rurunaykichikpaq churarqaykichik, chaynapi rurusqaykichik takyananpaq. Chaynaqa, Taytam ñoqapa sutiypi tukuy ima mañakusqaykichikta qosunkichik.

3 Juan 1:2 Kuyasqay wawqey Gayo, ñoqam munani tukuy imapipas chaninchasqa kanaykita, sano kanaykita, imaynam almaykipas allinlla kasqanta hina.

Isaías 43:4 Qamtaqa allinpaqmi qawayki ancha kuyasqaymi kanki, rantikipim runakunata pagarqani, vidaykiraykum nacionkunata qoykurqani.

Jeremías 31:3 Tayta Diosqa unayñam rikuriwarqa, hinaspm kaynata niwarqa: Wiñaypaq kuyakuywanmi kuyarqayki, chay kuyakuuniyman hinallam kuyapayachkayki.

Oseas 11:8 ¿Efraín llaqtalláy, imaynataq saqueruykiman? ¿Israel llaqtalláy, imaynataq qoykuykiman? ¿imaynataq Adma llaqtata hinaqa qoykuykiman? ¿imaynataq Zeboim llaqtata hinaqa saqueruykiman? sonqoymi qamkunamanta llumpayta llakikun, chayraykum munaspaypas mana atinichu.

Juan 3:16 Diosqa ancha-anchatam runakunata kuyarqa, chaymi sapallan Churinta qomurqa, pipas paypi iñiqqa mana wañunanpaq, aswanqa wiñay kawsayniyuq kananpaq.

Isaías 49:15,16 Tayta Diosñataqmi kaynata nin: ¿Yaqachu ñuñusqan wawata maman qonqarunman? ¿Yaqachu wachakusqan wawata maman qepancharunman? Ichapas mamanqa wawanta qonqarunman, ñoqam ichaqa mana qonqasqaykichikchu. 16 Sutikitapas maki pampaypi qellqasqatam apaykachani, perqaykikunatas sapa punchawmi ñawpaqniypi kachkan.

Isaías 41:13 Ñoqa Tayta Diosmi, Diosnikichik kani, alleq makikichikmanta hapiqnikichikmi kaynata nikichik: “Ama manchakuychikchu, ñoqam yanapasqaykichik”, nispa.

Mateo 28:20 Qamkunaman tukuy ima kamachisqayta kasukunankupaq

yachachimuychik. Ñoqaqa sapa punchawmi qamkunawan kasaq kay pacha puchukanankama, nispan.

Juan 14:1 Amayá songoykichikqa hukmanyachunchu. Diospiyá creeychik, creeychiktaqyá ñoqapipas.

Isaías 41:14 Ñoqa Tayta Diosmi nini: Jacobpa mirayninmanta kaq Israel llaqta, mana kallpayuq taksalla kaspapas ama manchakuychu, ñoqam yanapasqayki, Israelpa ñoqa Chuya Diosninmi reclamaqniki kani.

Isaías 43:2 Yakunta riptikipas, qanwanmi kasaq, mayunta chimpaptikipas, manam apasunkichu, nina ukunta pasaptikipas, manam rupasunkichu, lenwachkaq ninapas manam kañasunkichu.

Salmos 23:1-6 Dios Taytallaymi michiqnillayqa, manam imapas pisillawanqañachu. 2 Sumaqllaña ikllirimuq pastokunapim ñoqallaytaqa samaykachillawan, yakukunapa hawkalla kasqanmanraqmi ñoqallaytaqa pusakullawan. 3 Musoq kallpatam qoykullawan, sutin hatunchasqa kananpaqmi allin ñanninta pusakullawan. 4 Manchakuyapaq tutayaq wayqontaña purispaypas manam manchakuniñachu qamqa ñoqallaywanmi kallachkanki; varaykiwan tawnaykiwanmi kallpanchaykuwanki. 5 Enemigoykunapa ñawpaqniinpim mikuykunata churaykapuwanki, miskillaña asnaq perfumewanmi umallaymanpas talliykuwanki, copallaytam llimparichinki. 6 Kuyakuynikiwan llakipayakuyunikiqa ñoqallaypa kawsakuyniypim sapa punchaw kachkan, Tayta Diospa wasinpiqa wiñawiñaypaqmi kawsakusaq.

Juan 14:27 Hawkayaytam saqekichik, hawkayayniytam qoykichik, kay hawkayay qosqayqa manam runakunapa qosqan hinachu. Amayá hukmanyaychikchu nitaq manchakuychikpaschu.

Filipenses 4:7 Diosninchikmi hawkayayta qosunkichik, chaytaqa manam runaqa entiendeyta atinchu, chay hawkayaymi sonqoykichiktawan yuyaymanaynikichikta Jesucristopi waqaychanqa.

Proverbios 3:24 Samaykuspakipas manam manchakunkichu, puñuykuspakipas hawkam puñukunki.

Salmos 4:8 Dios taytalláy, qamllapi hapipakuqtam kawsachiwanki chayraykum, hawkalla waqtapaykuni, hawkallataqmi puñuykusaqpas.

Salmos 33:18 Tayta Diosmi respetaqnin runataqa waqaychan, kuyapayakuyninpi suyaqkunatapas waqaychanmi.

Romanos 5:2 Iñisqanchikraykum Jesucristontakama Diosman asuykunchik hinaspa kuyakuyninwan allinta takyachkanchik. Hinaspataqmí kusikuchkanchik Diosman rikchakuq kancharichkaq suma-sumaq kananchikta confianzawan suyaspa.

Isaías 55:12 Qamkunaqa kusikuywanmi lloqsimunkichik, hawkallam kutimunkichik. Orqokunawan moqokunam qayllaykichikpi takispa qaparinqaku, llapa sachakunam kusikuymanta taqlakunqaku.

Juan 16:22 Chaynam qamkunapas kunan llakisqa kachkankichik, ñoqa

kutimuptiymi ichaqa kusisqa kankichik, chay kusikuytaqa manam pipas qechusunkichikchu.

Lucas 12:9 Runakunapa qayllanpi negawaqniyqa, Diospa angelinkunapa qayllanpipas negasqam kanqa.

Mateo 10:30 Qamkunapaqa chukchaykichikpas llapallanmi yupasqa kachkan.

Isaías 54:10 Orqokuna suchuruptinpas, moqokuna maymi kasqanmanta asuriptinpas, kuyakuuniymi ichaqa qanmanta mana rakikunqachu, hawka kanapaq pacto ruwasqaypas manam tukunqachu. Llakipayasuqniki Tayta Diosmi chaynata nin.

Mateo 11:28-30 Haykam pisipasqakuna hinaspa ñakariqkuna ñoqaman hamuychik, ñoqapim samayta tarinkichik. 29 Yugoya apaspayá ñoqamanta yachaychik, ñoqaqa llampu sonqo hinaspa mana chaylla piñakuruqmi kani, chaynata ruwaspam ñoqapi samayta tarinkichik. 30 Yugoyqa manam llasanchu, qepiyapas sampallataqmi, nispa.

Cantares 2:10 Kuyay yanaymi niwarqa: Ancha kuyakusqalláy hatariy, sumaq warmicha hakuchikña.

Oseas 2:14,19,20 Chayraykum kuyakuyllawan rimapayasaq, chunniqman pusaruspaymi sonqonta sumaqlata suwaykusaq. 19 Israel llaqta, wiñaypaqñam casarasqayki, leyman hinam casarasqayki; qamllapaqña kaspaymi, llakipayaspay, kuyapayaspay casarasqayki. 20 Manaña rakinakunapaq casaraptiymi Dios kasqayta riqsiwanki.

Éxodo 3:14 Chaymi Moisesta Dios nirqa: “Ñoqaqa kani Ñoqam”, chaynaqa Israelpa mirayninkunamanmi ninki: “Ñoqam kani” niqmi qamkunaman kachamuwan, nispa.

Oseas 13:4 Ñoqaqa Señornikichik Tayta Diosmi kani, Egiptopi kasqaykimantaraqmi Diosnikichik kani. Ñoqamanta huk Diostaqa manam reqsirqankichikchu, ñoqamanta hukqa manam pipas salvasunkichikmanchu.

Juan 15:14 Sichum kamachisqayta ruwaspaykichikqa amistadniykunam kankichik.

Apocalipsis 3:20 Qawarimuway, ñoqaqa qayakuspaymi punkupi kachkani. Pipas qayakuuniyta uyarispan punkuta kichaykuwaptinqa yaykuspaymi paywan mikusaq, paypas ñoqawanmi mikunqa.